

## ❖ Y BLWCH

*A phan ddaethant i'r tŷ, hwy a welsant y mab bychan gyda  
Mair ei fam; a hwy a syrthiasant i lawr, ac a'i haddolasant  
ef: ac wedi agoryd eu trysorau, a offrymasant iddo  
anrhegion; aur, a thus, a myrr.  
(Mathew 2:11) (BWM)*

Drannoeth yr ŵyl, byddid yn agor y Blwch (y *Christmas Box*) ac yn rhannu anrhegion i dlodion yr ardal. Yn rhaglenni radio Nadolig pedwardegau'r ganrif a basiodd, roedd 'Carol y Blwch' yn ffefryn mawr gan Driawd y Coleg, ac o'i chanu'n ddigyfeiliant, teimlem fod iddi awyrgylch dra hynod.

Gwrandawed pob enaid ar gennad o'r llys  
A ddaeth o Gaersalem i Fethlem ar frys;  
Pob organ mewn cywair, pob telyn mewn hwyl,  
A myrdd o angylion yn cadw dydd gŵyl.

Arweiniwyd rhyw seren uwch Bethlem a'i phyrth,  
I ddangos i'r doethion arwyddion o wyrth;  
O! Gabriel, O! Gabriel, rhaid dangos y tlws,  
O! dos â'r bugeiliaid i ymyl y drws.

Rho gân i'r cantorion, a chana dy hun,  
Gogoniant i'r nefoedd, tangnefedd i ddyn;  
Caed prifnod y nefoedd, Duw diddig, Duw da,  
Rho Flwch aur y Dolig yn glennig i gla'.

**Robin Williams**